

1384/131

1384

249

IN OBITUM
R.^{MI} P. F.^{R.} BERNARDI
DO DESTERRO,
DOMINICANI,

*In Sacra Theologia Praesentati, in Fidei Tri-
 bunalis Censoris, atque Eminentissimi da Cu-
 nha à Confessionibus, &c.*

Bernardus vixit! Vitam, qui vivere dignus
 Fatorum immunem, finiit ante diem!

Finiit ante diem, vitae octogesima quanvis
 Nexa tribus fuerat conscia bruma suae.

Antiquos mores nam qui revocavit, & ipsis
 Fratibus exemplum, quod sequerentur, erat;

Nec Druidum fontes, Araris nec tarda fluentia
 Haussit, ut ad Sophiae nobile scandat ebur;

Dignus Cumaeae superet qui secla sibyllae,
 Seraque det meritis praemia justa Polus.

Sed si plura negant vivendi huic tempora Parcae,
 Fama dabit vitam non moritura novam.

Nec

1256415

23

Nec mora: centeno jam solvens gutture linguas
Haec ait aethereo, qua volat, axe Dea.

Desine Bernardum, Lusi generosa propago
Flere, viri pietas transfilit illa rogos.

En Lybiae nunc surgit honos, & fronte coruscant
Sidera Gusmani splendidiora Patris.

Bernardo Angelicas mortali corpore dotes
Vel juveni superos quod tribuisse patet.

Nil igitur miror doleat tela irrita semper
Illius in pectus quae jaculavit Amor.

Nec si Arabum gazis Bernardus praetulit Irum,
Ut Craeso in terris ditior ipse foret.

Nec tandem, ut jactis Titanes montibus, ausus
Si nulla est culpa sollicitare Jovem.

Hunc Coelo adscriptum civem fas credere, census
Est ubi perpetuus cernere cuique Deum.

Fama haec dum narrat, Bernardo vita superstes
Est alia, atque alius Religionis honor.

Nam mors Bernardi victa est ex morte triumphus,
Quo limen vitae non pereuntis adit.

Infita non aliter quæ surgunt germina rure,
Gusmano, mortis falce recisa jacent.

Nec Thomae pietas fati compescuit alas,
Scripta nec Angelici nomine digna viri.

Mors etiam Albertum rapuit, gelidaque sub Arcto
Victima sacra polo tunc, Hyacinthe, cadis.

Aegidium Scalabis flevit, Tagidesque doloris
Testes dant lacrimas, queis Tagus auget aquas.

Occidit, & superos adiit Gonsalus, in horto
Sidereo ut vivat flos, Amarante, tuus.

At-

251
Attamen ipsorum quamquam mens gaudet Olympo,
Posthuma nobiscum vivere fama dedit.

Te, Bernarde, pari donat jam munere Coelum,
Ut cultum accipiat munus ubique parem.

O' utinam, quando mensis accumbere veri
Intrasti, grata non sine veste, Jovis.

Jam focius Coeli Procerum, summiq; Senatus
Sis nova Dominico, spesque perampla, gregi.

Sis fautor Lyfiae, Regi tutela JOSEPHO,
Annuat ut Scepbris aura benigna suis.

Antonius Felix Mendes,

Regius Latinae Linguae Professor.

